

mataruarua mararamii

pasalupungua hliarupauhliana rumahla, apaumamainiacuaku.

ihlaku ia ucani rahlung malangihlu, pi sapi malihluluhl, ucaniika pi

hlataula'a tuk. maraiahlaku lailaivikuna, mutuvavurunga, umaru

sahlumu pahlamurana taran, hlisahlikua sihlangu, aariaari maru

mavacang siangusipina.

urukuhl siakita arina, kiahlahlamu kisuahlahlama hlicaliva arina,

miacacalivia pasamiana, arataisaku, ucaniika kupautuahlangi

mahlupingicuaku. marucua tikiku takacihli, pausu'uluaku kumita kani'i

sasaruanana, mara mahlasungung, aariaari

atuhlung takuliac siangusipa. maramaisasukacuaku,

kuatatuhlung hlimarapihli hlamamaku, kuariatiria ruvanana marapihli

ihlakua hlamamana takuliac tuk. macahliaku sangul tikiku takacihli,

angahlicuakuisana minsau ahliakuana.

aariaariaku mitalvung maru 'ilipina, micikiri sasaruana. tukutuka

alalamurua, aramuamuar taluavailicu. ma kana'a mavacang hlicalivana,

mara pahuailiacu. lailaiviku kucumma pasalus ihlaku

pasaulaula'u, kuacahlia hlakana'ana ihlaku, kupi tuk mma aracahlia

ihlaku, aunanacuaku aramuamuar misau. umahlakua kani'i sasaruana

tamuucu mahlasungung, mahlasungungaku patasuuru,

aluhluluhl ihlaku, hlatumuaku miacuhlu,

pasamamangan micuhlu. aramuamuaricuaku mara mahlisar taraisa,

ulavaisa, uka'acua manganiku maritara'uhla usuman. micuhlucuaku,

mukuaku matahukutuk sasaruana.

arumukakui aunanana, pahuaiailicuaku. atuhlingicuaku hlamamaku

hla lailaiviku, mavacang mavacang kiariarina

murumita 'ahliacuvungaku. kani'i palilumma varat parikakua naani,

aparivalihlacaku, masasangaraku kumita apitilihli

tihla'ahlakuna. kumakitaku hlamamaku, mungahlaku

paumahlmahlung hlamamaku, pausu'uluaku hlamamana, kuacahlia

kihlaumangiau parausauacua vukisa, ma hlicalivana mulava sapiisa

hlamamana, takuliac tikiku musa mma sapi hlamamaku, ucaniika

kani'i uka'acua varatna. tamuucu takuliac tikiku, mungahlanghla

mitilihli mukua matatukutuka sasaruana. malimuamuaraku

malisur vulaihli, kumakitacuaku hlamamakuna.

落葉歸根

當一個輪迴畫上句號時，我誕生了。

我，是一片嫩葉，我跟夥伴一樣，清晨接受著露珠的洗禮，陽光的滋潤，整日沉浸在幸福之中。

時間在流逝，我在長大，我有了自己的思想，我開始對這個世界感到了厭煩，成天抱怨一成不變的生活。我變得叛逆，不曾考慮過我的父母，我不知道有多少個夜晚父母在默默地為我擔心，我只知道自己，於是我開始拒絕了一切。

我成天躲在陰霾下，與外界隔離，夥伴們也不再和我玩耍了，他們不理解我，也沒有想理解我。於是我漸漸沉淪，我厭惡一切，包括我自己，我想要解脫，我慢慢變得枯黃，最終，我沒有氣力受風兒的打擊。我「解脫」了，落在冰冷的土地上。

這是我想要的嗎？我後悔了，往日美好的畫面浮現在眼前，我笑了。

這時一陣風吹來，我欣喜地看到自己的身體被捲了起來，我看到我的父母，我發現父母不知何時雙鬢已經斑白，我傷心地用手去觸摸父母，可是此時風已消逝，我又一次飄到了冰冷的土地上。我輕輕地閉上了眼睛，我看到了我的父母。